

Полный сборник канонов и молитв святителю Николаю,
архиепископу Мирликийскому

Канон из службы на перенесение мощей
святителя Николая
из Мир Ликийских в Бари, 9/22 мая

Г л а с 8

Начало канона см. 01 - Начало канонов.doc

Песнь 1

Ирмос: Песнь возслѣм, людіе, чѹдному Бѹгу нашему, свободившему Израїля от рабѹты, песнь побѣдную поюще и вопиюще: поїм Тебѣ, единому Владыце.

Припев: Святителю ѳче Никѹлае, моли Бѹга о нас¹.

Песнь устен моих прими, благодетелю Христе, и уясни ми язык, не поминая многих моих грехов, да воспою честное житие Твоего святителя в память перенесения мощей его.

Чудотворный дар прием и терпения венцы, святительством украшаяся, Бѹгу помолися, ѳче, прегрешений прощение даровати нам, славающим твоѣ пренесение.

Слава: Пастырь Христова стада, ѳче, иным овцам посылаешися, к латинскому языку, да вся удивishi чудесы твоими и ко Христу приведѣши, блаженне, Емуже и о нас молися непрестанно.

И ныне, *Богородичен:* Далече бывше иногда, язычестии народи рождеством Твоим, Богородице, к Бѹгу приближихомся: Ты бо мене обожившаго породила еси и древняя клятвы свободшаго Своєю кровию.

Моли Бѹга о нас, святителю ѳче Никѹлае, яко мы усердно к Тебѣ прибегаем, скорому помощнику и молитвеннику о душах наших.

Песнь 3

Ирмос: Небеснаго круга верховорче, Господи, и Церкви Зиждителю, Ты мене утверди в любви Твоей, желаний краю, верных утверждение, едине Человеколюбче.

Незлбивый нравом и кроткий образом, житие имея ангельское, Богоблаженне Никѹлае, не претай о нас моляся единому Человеколюбцу.

Кий град, блаженне, не имеет тебе помощника? Кая ли душа не призывает твоего имени? Или коего места не присещаети духом, твоими чудесы удивляя вся, Никѹлае?

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

Слава: Бѣрскій ѹбо град прїят тѣло твоѣ, но дух твой в Вѣшнем Иерусалиме, идеже ликѹеши со пророки, и апостолы, и святители купно, моляся о нас единому Человеколюбцу.

И ныне, *Богородичен*: Просвещеніе ми испроси, пречистая Владычице, омраченному грехи многими, породжающая Свет всему миру, и страстную мглу далече отжени, едина Богоблаженная.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Господи, помилуй. (*Трижды.*)

(Если по 6-й песни читается акафист, то перед седальными читаем кондак и икос.)

Седален, глас 1

Освятя себе житіем совершенным, явился еси святитель Бога Вѣшняго, от Негоже укрепляемъ, еретичествующих устѣ заградил еси. Тем твоѣ пренесеніе свѣтло празднуем, Христа Бога величающе.

Слава, и ныне, *Богородичен*

Безвѣстная чистая Богородице Дѣво, едина верных предстательство и покрове, бед, и скорбей, и лютых обстояний всех избави, на Тя упованіе, Отроковице, имущих, и души наша спаси Божественными мольбами Твоими.

Песнь 4

Ирмос: Всел еси на кони, апостолы Твоя, Господи, и приял еси рукама Твоима узды их, и спасеніе бысть ежденіе Твоѣ верно поющим: слава силе Твоей, Господи.

Свѣтом Вѣшняго озаряемъ, святителю, моѣ сердце просвети и тьму греховную отжени, да радуясь, пою твоѣ святѣе пренесеніе.

Возступль на лѣствицу добродетелей, блаженне, чудотворец явился еси по всей земли, Николае, и сего ради от Мир бѣрстии людие приѣмлют святѣя мѣщи твоя.

Слава: Иереи вернии о тебе хвалятся, и людие христоролюбивии призываютъ тя, во бранех помощника, и мы, недостѣйнии, подвизаемъ тя к Богу за ны молитися, Николае.

И ныне, *Богородичен*: Чины ангельския удивляет, Богородице, тайны Твоя глубина, бѣсы же смущает Твоя икона. Ейже мы кланяемся, чтуще Тя, Божию Матерь.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 5

Ирмос: Мрак души моея разжени, Светодавче Христѣ Бже, началородную тьму изгнавъ бѣздно, и даруй ми свет повеленій Твоих, Слове, да, утренюя, славлю Тя.

В Мирех престол имѣл еси, в Бар тѣло преселил еси, и духом на небеси пребываеши, святителю Николае, со апостолы, яко преѣмник, с нимиже о нас моли, поющих твоѣ пренесеніе.

Всех христиа́н наде́ждо, и оби́димых ве́лий засту́пниче, и боля́щих целите́лю, печа́льных утешите́лю и к Бо́гу от челове́к ходатаю, оте́честву на́шему мир испроси́ и спаса́й нас от пога́ных нахожде́ния.

Слава: Погруже́нную ду́шу мою́ мно́гими страстьми́, Нико́лае, умерщвле́нную грехопаде́нием, оживи́ твои́ми моли́твами и напра́ви на пока́яние, да с ве́рными все́ми твоё сла́влю пренесе́ние.

И ныне, *Богородичен*: Егóже тьмы а́нгельския и серафíмская мно́жества ужаса́ются и разу́мная тварь трепещет, Тогó я́ко Младенца́, Де́во, пита́еши, Егóже о́бразно на руку́ Твоею́ ви́дяще, всегда́ покланя́емся.

Моли́ Бо́га о нас, святите́лю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Песнь 6

Ирмос: Якоже проро́ка изба́вил еси́ из глубины́ преиспо́дня, Христé Бо́же, и мене́ от грехо́в мои́х изба́ви, я́ко Человеколю́бец, и упра́ви живо́т мой, молю́ся.

Я́ко от окри́на², от Божество́вныя Твоея́ це́ркве неску́дно прие́млем здра́вие телесем и душа́м очище́ние, святите́лю Нико́лае, чудеса́ бо то́чиши благода́тию несомне́нною ве́рою упова́ющим на тя.

От напа́стей разли́чных, и от бед лю́тых, и скорбе́й, одержа́щих ны, и от разли́чных злых, о́тче, я́ко Христов угодник пресла́вный, изба́ви рабы́ твоя́, досто́йно чту́щия твое свято́е пренесе́ние.

Слава: Грехо́вным мразом истер́п и житей́ским ве́тром порева́емь, я́ко друго́е со́лнце, о́тче, подо́бие твоего́ о́браза ви́дев, твои́ми моли́твами да согре́юся, служи́телю Христов Нико́лае.

И ныне, *Богородичен*: Земных ум небесны́я та́йны не уве́сть, ни тварь Творца́ разу́ма домы́слится: прехо́дит бо ум челове́ч от Де́вы рождество́ Господне. Ейже моля́щися ве́рою, грехо́в прощени́е прие́мем.

Моли́ Бо́га о нас, святите́лю о́тче Нико́лае, я́ко мы усер́дно к тебе́ прибега́ем, ско́рому помо́щнику и моли́твеннику о душа́х на́ших.

Господи, помилуй. (*Трижды*.) Слава, и ныне.

Кондак, глас 3

Взы́де, я́ко звезда́, от восто́ка до запа́да твоя́ мо́щи, святите́лю Нико́лае, мо́ре же освя́тися шестви́ем твои́м, и град Ба́рский прие́млет тобо́ю благода́ть: нас бо де́ля яви́лся еси́ чудотворец изы́щный, предивный и ми́лостивый.

Икос

Воспои́м ны́не святите́ля пёсньми, ми́рским лю́дем па́стыря и учи́теля, да моли́твами егó просвети́мся: сей бо яви́ся чист весь, нетле́нен ду́хом, Христу́ принося́ же́ртву непоро́чну, чи́сту, Бо́гу благоприя́тну, я́ко святите́ль, очище́н душе́ю и те́лом. Те́мже сый и́стинно Це́ркви предста́тель и поборо́ник сея́ и чудотворец изы́щен, предивен и ми́лостив.

(Если читается акафист, то кондак и икос читаются по 3-й песни, перед

² Окрин – сосуд, чаша.

седальнами.)

Песнь 7

Ирмос: На поле Деире иногда мучитель печь постави на мучение Богоносных, в нейже три отроки песнословяху единого Бога, трóично воспеваху, глаголюще: отец Бóже, благословен еси.

Днесь радуются Ангели Бóжии, рыдает же дéмонское мнóжество: спасл бо еси люди от напасти и отгнал еси дýхи тёмныя. Тем достойно одолéвый нарицаешься. Сего ради вопиём Господеви: отец наших Бóже, благословен еси.

Одержимии печалию нéмощи, различными недúги утруждени, с véрою к раце твоей влекутся и, получивше твою милость, быстрообразно отхóдят, радостно Господеви поюще: отец наших Бóже, благословен еси.

Слава: Предстоят ти, блаженне, собóри правóверных людéй, и хвалятся о тебе церкóвнии учители, прославляют же тя царí, я́ко заступника. Мы же ти молимся, спаси ны, Никóлае, поющия Господеви: отец наших Бóже, благословен еси.

И ныне, *Богородичен:* О, како Спаса моего воспою, Егóже трéпетно хвалят Ангели? Но Ты, Мати, настáви мя и милосёрдие Сынóвнее благоутрóбием Твоим понуди помиловати ны, на Тя упóвующия, я́ко Ты, за ны молящи Егó, от мýки избáвиши.

Моли́ Бóга о нас, святителю óтче Никóлае, я́ко мы усérдно к тебе прибегаем, скóрому помощнику и молитвеннику о душах наших.

Песнь 8

Ирмос: Ангели и небеса́, на престоле славы сидящего и я́ко Бóга непрестáнно слави́маго благословите, пойте и превозносите Егó во véки.

Ангели небес я́ко служителя тя восприемлют, прорóцы и апóстоли я́ко клеветá сретáют, Сам Госпóдь тебе восприемлет, мы же, грéшнии, милости прóсим.

Вели́ка власть от Бóга вдана́ ти есть, Никóлае: мóре повинётся, воздух слýшает, и языцы покарáются, видяще пресла́вная твоя́ чудеса́.

Слава: Нóвому Изра́илю, христиáнскому наро́ду, Спáсе, славнейши Моисéя показáл еси Твоегó святителя Николáя, от всех зол нас избавляюща.

И ныне, *Богородичен:* Очищение грехóв я́ко Мати Бóжия испроси́ и рýку ми простри́, Госпоже́, погружённому во глубинé нечáяния, да, надежду востáв, превозношаю́ Тя во véки вся.

Моли́ Бóга о нас, святителю óтче Никóлае, я́ко мы усérдно к тебе прибегаем, скóрому помощнику и молитвеннику о душах наших.

Песнь 9

Ирмос: Благословен Госпóдь Бог Изра́илев, воздвигнувший рог спасения нам в дому́ Давидове, óтрока Своего́, в нихже посети́ нас Востóк с высоты́ и направил ны есть на путь мíра.

Благословен Госпóдь Бог наш, я́ко просла́ви святителя в странах, чудес струй испущающа, в Мíрех и в латíнех вся исцеляюща и в Росси́и милостивно посещающа.

Честным сном уснул еси и тело в Бар пользы ради пустил еси, неусыпный быв заступник всем, верою призывающим тя, молитвами твоими, Николае.

Слава: Благословен небес и земли Творец, Бог Вседержитель, Отец безначальный и всеильный, и Сын прежде век, от недр отрыгнутое Слово, Имже вся быша, яже о нас, и Дух исходяй Святыи, Троице Святае, слава Тебе.

И ныне, *Богородичен*: Извѣтием словес по достоянию Тя похвалити не достигаю, небесных сил преболюшу и твари всея честнейшу, Бога и Творца породившую плотию. Егоже моли, Богородице, да помилует ны в день судный.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Окончание канона см. 14 - Окончание канонов.doc